

CYNGOR SIR

Cofnodion cyfarfod o'r Cyngor Sir a gynhaliwyd yn Siambr y Cyngor, Neuadd y Sir, Rhuthun LL15 1YN, Dydd Mawrth, 5 Rhagfyr 2017 am 10.00 am.

YN BRESENNOL

Y Cyngorwyr Mabon ap Gwynfor, Brian Blakeley, Joan Butterfield, Ellie Chard, Ann Davies, Gareth Davies, Meirick Davies, Peter Arnold Evans, Hugh Evans, Bobby Feeley, Rachel Flynn, Tony Flynn, Huw Hilditch-Roberts, Martyn Holland, Hugh Irving, Alan James, Huw Jones, Pat Jones, Tina Jones, Gwyneth Kensler, Geraint Lloyd-Williams, Richard Mainon, Christine Marston, Barry Mellor, Melvyn Mile, Bob Murray, Merfyn Parry, Paul Penlington, Arwel Roberts, Anton Sampson, Peter Scott (Is-Gadeirydd), Glenn Swingler, Thomas, Rhys Thomas, Julian Thompson-Hill, Graham Timms, Joe Welch, Cheryl Williams, David Williams, Huw Williams, Emrys Wynne a/ac Mark Young

HEFYD YN BRESENNOL

Prif Weithredwr (MM), Pennaeth Gwasanaethau Cyfreithiol, AD a Democrataidd (GW), Prif Swyddog Cyllid/Swyddog Adran 151 (RW), Rheolwr Gwasanaethau AD (CR), Rheolwr Cynllunio a Gwarchod y Cyhoedd (AL), Uwch Swyddog Cynllunio (LG) a Gweinyddydd y Pwyllgor (SLW).

Gweithredodd y Cyngorydd Peter Scott (Is-Gadeirydd) fel Cadeirydd y cyfarfod yn absenoldeb y Cadeirydd, y Cyngorydd Peter Prendergast.

1 YMDDIHEURIADAU

Derbyniwyd ymddiheuriadau am absenoldeb oddi wrth y Cyngorwr(wyr) Jeanette Chamberlain-Jones, Brian Jones, Pete Prendergast, Andrew Thomas a/ac Eryl Williams

2 DATGAN CYSYLLTIAD

Dim cysylltiadau i'w datgan.

3 MATERION BRYD FEL Y'U CYTUNWYD GAN Y CADEIRYDD

Dim materion bryd.

Yn y fan hon, talodd Cyngorwyr deyrnged i gyn Gyfarwyddwr Gwasanaethau Cymdeithasol Sir Ddinbych, Meirion Hughes, a fu farw yn ei gartref ddydd Sul yn dilyn salwch byr. Meirion, a oedd yn byw yn Rhuddlan, oedd Cyfarwyddwr Gwasanaethau Cymdeithasol cyntaf Sir Ddinbych ym 1996. Yna daeth yn Gyfarwyddwr Corfforaethol, y Dirprwy Brif Weithredwr, ac yna'n Brif Weithredwr Dros Dro cyn ymddeol o'r Cyngor. Roedd wedi cynorthwyo'r Cyngor gyda'r

ymgyngoriad cyhoeddus ar ddyfodol gwasanaethau mewnol trwy gadeirio'r cyfarfodydd ymgynghori a hefyd bu'n chwarae rhan amlwg fel Cadeirydd Cefndy Enterprises. Yn ystod y teyrngedau dywedodd y Cynghorwyr y byddai colled ar ei ôl a byddai'n cael ei gofio am ei broffesiynoldeb a'i gefnogaeth i'r Cyngor.

4 DYDDIADUR Y CADEIRYDD

Dosbarthwyd rhestr o ddigwyddiadau dinesig a fynychwyd gan y Cadeirydd a'r Is-Gadeirydd yn y cyfnod 6 Hydref 2017 – 25 Tachwedd 2017 cyn y cyfarfod.

Talodd y Cynghorydd Meirick Lloyd Davies deyrnged i Gadeirydd Hosbis Sant Cyndeyrn, Trefor Jones CVO CBE, a oedd yn ymddeol. Roedd Cadeirydd y Cyngor wedi mynychu cinio ymddeol ar gyfer Mr Jones yn Llanelwy.

PENDERFYNWYD *derbyn y rhestr o ddigwyddiadau dinesig a fynychwyd gan y Cadeirydd a'r Is-Gadeirydd.*

5 COFNODION

Cyflwynwyd cofnodion cyfarfod o'r Cyngor Arbennig a gynhaliwyd ar 26 Medi 2017 a'r Cyngor Llawn a gynhaliwyd ar 17 Hydref 2017.

Beirniadodd y Cynghorwyr Arwel Roberts a Meirick Lloyd Davies safon cyfieithu'r cofnodion o'r Saesneg i'r Gymraeg.

Eglurodd y Pennaeth Gwasanaethau Cyfreithiol, Adnoddau Dynol a Democrataidd mai'r Gwasanaeth Cyfieithu yng Nghyngor Bwrdeistref Sirol Conwy oedd yn cyfieithu'r dogfennau. Cadarnhaodd bod yr holl staff cyfieithu yn gyfieithwyr cymwys ond byddai'r mater yn cael ei godi gyda Chonwy gan y Rheolwr Gwasanaethau Democrataidd.

Yn dilyn pleidlais unfrydol:

PENDERFYNWYD *cadarnhau cofnodion y:*

(i) Cyngor Arbennig a gynhaliwyd ar 26 Medi 2017, a'r

(ii) Cyngor Llawn a gynhaliwyd ar 17 Hydref 2017

fel cofnod cywir a'u llofnodi felly gan y Cadeirydd.

6 GWEITHREDU PREMIWM TRETH CYNGOR AR GARTREFI GWAG HIRDYMOR AC AIL GARTREFI

Cyflwynodd yr Aelod Arweiniol dros Gyllid, Perfformiad ac Asedau Strategol yr adroddiad (a ddosbarthwyd yn flaenorol) i hysbysu aelodau o'r pŵerau newydd oedd gan Awdurdodau Lleol yng Nghymru i gynyddu taliadau Treth y Cyngor ar gartrefi gwag hirdymor ac ail gartrefi o ganlyniad i Ddeddf Tai (Cymru) 2014.

O 1 Ebrill 2017, rhoddwyd pŵerau i gynghorau yng Nghymru godi tâl ychwanegol ar berchnogion tai hyd o at 100% o Dreth y Cyngor ar gartrefi gwag hirdymor ac ail gartrefi. Roedd y pŵerau hyn wedi'u dirprwyo trwy Ddeddf Tai (Cymru) 2014.

Roedd yn ofynnol i Awdurdodau Lleol gael y taliadau wedi'u dilysu gan y Cyngor Llawn un flwyddyn cyn gweithredu hyn ar gyfer ail gartrefi. Fodd bynnag, ar gyfer cartrefi gwag hirdymor, yr unig ofyniad fyddai bod yn rhaid i'r eiddo fod wedi bod yn wag am o leiaf blwyddyn lawn cyn codi tâl.

Bwriadwyd i'r nodau a gafodd eu datgan yn y ddeddfwriaeth fod fel cyfarpar:

- Ar gyfer Awdurdodau Lleol i helpu dod â thai gwag yn ôl i ddefnydd
- I gynyddu'r cyflenwad o dai fforddiadwy
- I wella cynladwyedd cymunedau lleol.

Cynhaliwyd ymgynghoriad cyhoeddus rhwng 16 Tachwedd 2016 a 14 Rhagfyr 2016, lle cafwyd cyfanswm o 49 o ymatebion. Roedd yr adborth cyffredinol o'r ymgynghoriad wedi bod yn gefnogol i godi tâl ar ail gartrefi ac eiddo gwag hirdymor.

Er y byddai codi tâl premiwm ar yr eiddo yn creu arian ychwanegol, y prif symbylydd i Lywodraeth Cymru wrth gyflwyno'r ddeddfwriaeth oedd helpu Awdurdodau Lleol i:

- Ddod â chartrefi gwag hirdymor yn ôl i ddefnydd i ddarparu cartrefi diogel a fforddiadwy, a
- Chefnogi Awdurdodau Lleol i gynyddu'r cyflenwad o dai fforddiadwy a gwella cynladwyedd cymunedau lleol.

Roedd eithriadau i'r Premiwm Treth Cyngor ar gartrefi gwag hirdymor ac ail gartrefi wedi'u cynnwys yn yr adroddiad.

Yn ystod y drafodaeth, cynigiwyd gan y Cyngorydd Glen Swingler, Grŵp Plaid Cymru, ac fe'i eiliwyd gan y Cyngorydd Mabon ap Gwynfor, bod y premiwm ar gartrefi gwag hirdymor ac ail gartrefi'n 100% ac nid 50% fel yr argymhellwyd yn yr adroddiad.

Eglurodd yr Aelod Arweiniol dros Gyllid, Perfformiad ac Asedau Strategol y byddai codi 50% yn gyson ag Awdurdodau Lleol cyfagos ac y byddai adolygiad o weithredu'r premiwm Treth y Cyngor hefyd yn digwydd ym mis Medi 2018.

Cadarnhawyd y byddai Awdurdodau Lleol yn cael eu hannog i ddefnyddio unrhyw refeniw ychwanegol a gynhyrchwyd i helpu i ddiwallu anghenion tai lleol, yn unol â bwriadau polisi'r premiymau. Ni ellid neilltuo incwm Treth y Cyngor ar gyfer ardal benodol, ond byddai'n cael ei ychwanegu at elfen Tai y Cynllun Corfforaethol.

Mynegodd y Cyngorydd Graham Timms ei bryder ynghylch canran y bobl a ymatebodd i'r ymgynghoriad. Gofynnodd a oedd yn ofyniad statudol i ymgynghori ac a oedd yn ymatebion yn ganlyniadol.

Cadarnhawyd ei bod yn ofyniad statudol i ymgynghori a theimlwyd y byddai'r lefel 50% yn rhoi cymhelliad i ddod ag eiddo yn ôl i ddefnydd preswyl.

Gofynnodd y Cyngorydd Joan Butterfield am ohiriad byr o'r cyfarfod i'r Grŵp Llafur ystyried y ddau opsiwn o godi premiwm o naill ai 50% neu 100%.

Cytunwyd gan bawb yn bresennol i ohirio er mwyn i'r Grwpiau gynnal trafodaeth fer cyn mynd ymlaen â gweddill y cyfarfod.

Ar y pwynt hwn (11.00 a.m.) bu gohiriad o 15 munud i'r cyfarfod.

Ailddechreuodd y cyfarfod am 11.15 a.m.

Rhoddodd yr Aelod Arweiniol, y Cynghorydd Julian Thompson-Hill grynodedeb o'r drafodaeth ac eglurodd ei bod wedi bod yn un hynod ddiddorol a chadarnhaol.

Roedd yr argymhelliad o fewn yr adroddiad wedi bod am gyfradd premiwm o 50% ond cyflwynwyd gwelliant gan y Cynghorydd Glen Swinger am breimiwm o 100%. Byddai pleidlais yn digwydd i ddechrau ar y gwelliant arfaethedig i godi tâl premiwm o 100%.

Yn y fan hon, gofynnodd y Cynghorydd Arwel Roberts am Bleidlais wedi'i Chofnodi.

Dywedodd y Pennaeth Gwasanaethau Cyfreithiol, Adnoddau Dynol a Democrataidd bod angen i un chweched o'r Aelodau fod o blaid Pleidlais wedi'i Chofnodi yn ôl y Cyfansoddiad felly roedd angen o leiaf 7 Aelod. Safodd 8 Aelod o'r Grŵp Plaid Cymru o blaid Pleidlais wedi'i Chofnodi.

Cynhaliwyd pleidlais wedi'i chofnodi fel a ganlyn:

O blaid Premiwm o 100%:

Y Cynghorwyr Mabon ap Gwynfor, Meirick Lloyd Davies, Huw Jones, Gwyneth Kensler, Arwel Roberts, Glen Swinger, Rhys Thomas ac Emrys Wynne.
Pleidleisiodd cyfanswm o 8 Aelod o blaid Premiwm o 100%.

Yn erbyn Premiwm o 100%:

Y Cynghorwyr Brian Blakeley, Joan Butterfield, Ellie Chard, Ann Davies Gareth Lloyd Davies, Hugh Evans, Peter Evans, Bobby Feeley, Tony Flynn, Rachel Flynn, Huw Hilditch-Roberts, Martyn Holland, Hugh Irving, Alan James, Tina Jones, Pat Jones, Geraint Lloyd-Williams, Richard Mainon, Christine Marston, Barry Mellor, Melvyn Mile, Bob Murray, Merfyn Parry, Paul Penlington, Anton Sampson, Peter Scott, Tony Thomas, Julian Thompson-Hill, Graham Timms, Joe Welch, Cheryl Williams, David Williams, Huw Williams a Mark Young.

Pleidleisiodd Cyfanswm y 34 o Aelodau yn erbyn y Premiwm o 100%.

Ymatal – 0

Felly, cafodd y gwelliant a gyflwynwyd gan y Cynghorydd Glen Swinger am y Premiwm Treth Gyngor 100% ei wrthod.

Yn y fan hon, cynigiodd y Cynghorydd Mark Young welliant o 50% am y flwyddyn gyntaf a 100% am yr ail flwyddyn ar gartrefi gwag hirdymor yn unig, ac eiliwyd hyn gan y Cynghorydd Peter Evans.

Cynigiodd y Cynghorydd Joan Butterfield hefyd welliant i godi'r premiwm o 50% ar gyfer y flwyddyn gyntaf gydag adolygiad ar ôl 12 mis a phe bai'n profi'n llwyddiant o bosibl i gynyddu'r swm i 100% ym mlwyddyn 2.

Yn y fan hon, tynnodd y Cynghorydd Mark Young ei welliant yn ôl gan ei fod yn cefnogi'r gwelliant a gyflwynwyd gan y Cynghorydd Joan Butterfield.

Eglurodd y Pennaeth Gwasanaethau Cyfreithiol, Adnoddau Dynol a Democrataidd yr argymhellion at ddibenion y bleidlais fel a ganlyn:

PLEIDLAIS:–

Argymhelliad 1a – Codi ardoll Treth y Cyngor o 50% ychwanegol ar eiddo gwag hirdymor:

O blaid – 41

Ymatal – 0

Yn erbyn – 1

Argymhelliad 1b – Codi ardoll Treth y Cyngor o 50% ychwanegol ar ail gartrefi:

O blaid – 35

Ymatal – 0

Yn erbyn – 6

Byddai pleidlais floc yn cael ei chynnal ar gyfer y ddau argymhelliad canlynol:

Argymhelliad 2 – gweithredu'r tâl ar eiddo gwag hirdymor o fis Ebrill 2018 ac ail gartrefi o fis Ebrill 2019 (mae deddfwriaeth yn cynghori bod yn rhaid inni roi rhybudd o 12 mis i berchnogion ail gartrefi am unrhyw daliadau), ac

Argymhelliad 3 – Cynnal adolygiad o effaith gweithredu'r mesur hwn a dod â'r mater yn ôl gerbron y Cyngor Llawn ymhen 12 mis:

O blaid – 42

Ymatal – 0

Yn erbyn – 0

PENDERFYNWYD bod yr Aelodau yn cytuno i:

1. (a) Codi ardoll Treth y Cyngor o 50% ychwanegol ar eiddo gwag hirdymor
(b) Codi ardoll Treth y Cyngor o 50% ychwanegol ar ail gartrefi
2. Gweithredu'r tâl ar eiddo gwag hirdymor o fis Ebrill 2018 ac ail gartrefi o fis Ebrill 2019 (mae deddfwriaeth yn cynghori bod yn rhaid inni roi rhybudd o 12 mis i berchnogion ail gartrefi am unrhyw daliadau)
3. Cynnal adolygiad o effaith gweithredu'r mesur hwn a dod â'r mater yn ôl gerbron y Cyngor Llawn ymhen 12 mis

CYNLLUN DATBLYGU LLEOL SIR DDINBYCH: ADRODDIAD ADOLYGU DRAFFT, CYTUNDEB CYFLAWNI CDLI DRAFFT NEWYDD AC ADRODDIAD CWMPASU ARFARNIAD O GYNALIADWYEDD - CYMERADWYO DOGFENNAU TERFYNOL I'W CYFLWYNO I LYWODRAETH CYMRU

Cyflwynodd y Rheolwr Cynllunio a Gwarchod y Cyhoedd yr adroddiad (a ddsbarthwyd yn flaenorol) er mwyn rhoi amlinelliad i'r Aelodau o ganlyniadau'r ymgynghoriad cyhoeddus ar yr Adroddiad Adolygu CDLI drafft, Cytundeb Cyflawni CDLI Drafft Newydd ac Adroddiad Cwmpasu Arfarniad o Gynaliadwyedd. Amlygodd yr adroddiad hefyd y materion allweddol a godwyd yn ystod yr ymgynghoriad ac unrhyw ddiwygiadau dilynol i'r dogfennau.

Cafodd CDLI Sir Ddinbych ei fabwysiadu ar 4 Mehefin 2013 ac roedd Llywodraeth Cymru wedi cynghori dylai adolygiad gael ei gynnal o'r CDLI yn 2017 er mwyn bodloni'r gofyniad deddfwriaethol.

Bu ystod o ddeddfau newydd a diwygiedig a ddaeth i rym ers mabwysiadu CDLI Sir Ddinbych yn 2013. Y rhai mwyaf amlwg oedd Deddf Lles Cenedlaethau'r Dyfodol (Cymru) 2015 a Deddf Cynllunio (Cymru) 2015. Byddai angen adolygu'r CDLI gan ystyried cydymffurfiaeth â deddfwriaeth sylfaenol a gallai fod angen newidiadau i adlewyrchu'r ddeddfwriaeth a'r canllawiau cyfredol.

Yn dilyn cymeradwyaeth i ymgynghori trwy benderfyniad Dirprwyedig Aelod Arweiniol a gyhoeddwyd ar 7 Awst 2017, cynhaliwyd ymgynghoriad o 9 wythnos rhwng 21 Awst 2017 a 20 Hydref 2017. Cafwyd cyfanswm o 23 o ymatebion, gan gynnwys sylwadau gan Cyfoeth Naturiol Cymru, Anwyl Construction a thrigolion Sir Ddinbych. Roedd yr holl sylwadau wedi'u cofnodi. Roedd y materion allweddol a godwyd yn yr adroddiad a ddsbarthwyd yn flaenorol.

Roedd y dogfennau wedi'u hystyried yn y Pwyllgor Cynllunio ar 15 Tachwedd 2017 a oedd wedi tynnu sylw at yr holl newidiadau, ac argymhellwyd i'w cymeradwyo gan y Cyngor Llawn i'w cyflwyno i Lywodraeth Cymru.

Yn dilyn trafodaeth, eglurwyd bod yr adroddiad a gyflwynwyd i'r Cyngor Llawn er mwyn cael cymeradwyaeth i gychwyn y broses. Nid oedd yr adroddiad a gyflwynwyd ar gyfer diwygiadau i safleoedd na'r hyn y dylid ei gynnwys ai peidio o fewn y CDLI. Roedd ar gyfer ddechrau'r broses, sefydlu'r Pwyllgor CDLI ym mis Ionawr 2018 ac i'w gyflwyno yn y Cyngor Llawn yn y Flwyddyn Newydd.

Cynhaliwyd pleidlais a dyma'r canlyniad:

PENDERFYNWYD:

3.1 Bod y Cyngor yn cymeradwyo'r dogfennau canlynol fel y'u diwygiwyd i'w cyflwyno i Lywodraeth Cymru:

Dogfen	Statws
○ <i>Adolygiad Adolygu'r CdLI ac Atodiadau dilynol:</i>	<i>I'w gyflwyno i Lywodraeth Cymru</i>
○ <i>Atodiad A Papur gwybodaeth Parchu Gwahanolrwydd</i>	<i>I'w gyflwyno i Lywodraeth Cymru</i>
○ <i>Atodiad B Papur gwybodaeth</i>	<i>I'w gyflwyno i Lywodraeth Cymru</i>

<i>Adeiladu Cymunedau Cynaliadwy</i>	
○ <i>Atodiad C Papur gwybodaeth Hyrwyddo Economi Gynaliadwy</i>	<i>I'w gyflwyno i Lywodraeth Cymru</i>
○ <i>Atodiad D Papur gwybodaeth Gwerthuso ein Hamgylchedd</i>	<i>I'w gyflwyno i Lywodraeth Cymru</i>
○ <i>Atodiad E Papur gwybodaeth Cyflawni Hygyrchedd Cynaliadwy</i>	<i>I'w gyflwyno i Lywodraeth Cymru</i>
○ <i>Atodiad F Adroddiad Cwmpasu Cynaliadwyedd</i>	<i>I'w gyflwyno i Lywodraeth Cymru</i>
○ <i>Atodiad G Gwerthusiad Rheoliadau Cynefinoedd</i>	<i>I'w gyflwyno i Lywodraeth Cymru</i>
○ <i>Atodiad H Cytundeb Darparu ar gyfer CDLI newydd</i>	<i>I'w gyflwyno i Lywodraeth Cymru</i>
○ <i>Atodiad 1 Adrodd yn ôl ar yr Ymgynghoriad</i>	<i>Er gwybodaeth yn unig</i>

3.2 *Bod y Pwyllgor yn cadarnhau ei fod wedi darllen, deall ac ystyried yr Asesiad Effaith ar Les fel rhan o'i ystyriaethau.*

Ar y pwynt hwn (12.15 p.m.) roedd egwyl o 20 munud

Ailddechreuodd y cyfarfod am 12.35.

8 RECRIWTIO PRIF WEITHREDWR

Ar y pwynt hwn, gadawodd y Prif Weithredwr Siambr y Cyngor.

Cyflwynodd yr Arweinydd, y Cynghorydd Hugh Evans, Adroddiad Recriwtio'r Prif Weithredwr (a ddosbarthwyd yn flaenorol).

Eglurodd y Cynghorydd Evans mai rôl y Cyngor oedd penodi Pennaeth Gwasanaethau Taledig ar gyfer Sir Ddinbych ac roedd cael y Prif Weithredwr cywir yn allweddol i gyflwyno enw da Sir Ddinbych, y diwylliant cywir o wneud penderfyniadau, cefnogi a datblygu staff i berfformio i'w potensial a diogelu swyddogion i wneud y penderfyniadau cywir. Pwysleisiodd wrth yr Aelodau mai hwn oedd un o'r penderfyniadau pwysicaf y byddent yn ei wneud i ddenu'r ymgeiswyr gorau i fod yn Brif Weithredwr Sir Ddinbych.

Cadarnhaodd y Dirprwy Arweinydd, y Cynghorydd Julian Thompson-Hill i'r Aelodau ei fod wedi gwasanaethu fel Cadeirydd Panel Cydnabyddiaeth Sir Ddinbych a oedd yn grŵp gwleidyddol gytbwys o Aelodau. Cyfarfu'r Panel Cydnabyddiaeth ar 7 Tachwedd 2017 i ystyried pecyn cydnabyddiaeth arfaethedig ar gyfer y Prif Weithredwr newydd a oedd bellach wedi'i argymhell i'r Cyngor i'w gymeradwyo.

Darparodd y pecyn cyflog arfaethedig radd gynyddol o dri phwynt gyda'r trefniadau Cyflog sy'n gysylltiedig â Pherfformiad (PRP) presennol yn cael eu dileu. Byddai

codiad cyflog cynyddol yn cael ei ddyfarnu yn seiliedig ar gwblhau'r gwasanaeth perthnasol.

Ar y cyfan, byddai'r pecyn yn darparu arbediad dros dair blynedd o £35,548 yn erbyn y cyfanswm cyflog cyfredol (gan gynnwys PRP). Roedd rhan o'r broses yn mynnu bod y cynnig yn cael ei ystyried gan Banel Cydnabyddiaeth Annibynnol Cymru (IRP). Roedd yr IRP wedi cyfarfod ar 16 Tachwedd 2017 i ystyried y cynnig a gyflwynwyd ac roeddent yn cytuno'n llawn â'r newidiadau arfaethedig.

Eglurodd y Rheolwr Gwasanaethau Adnoddau Dynol y broses recriwtio i'r Aelodau.

Yn unol â Rheoliadau Diwygiedig Rheolau Sefydlog (Cymru) 2014, roedd gofyn bod swyddi â chyflogau o fwy na £100k, a oedd yn para 12 mis neu fwy, yn cael eu hysbysebu'n allanol.

Rhan o'r broses fyddai sefydlu Panel Penodiadau Arbennig. Byddai'r Panel yn cynnwys 7 aelod gwleidyddol gytbwys, dan gadeiryddiaeth yr Arweinydd ac yn cynnwys uchafswm o 2 Aelod Cabinet arall.

Byddai ymgyrch Recriwtio Prif Weithredwr yn cael ei reoli'n fewnol gan y Rheolwr Gwasanaethau Adnoddau Dynol gydag arbenigwr allanol yn cael ei ddefnyddio i ymgymryd â chwiliad gweithredol, a chefnogi'r broses llunio rhestr fer, asesu a phenodi. Y costau disgwylidig ar gyfer yr arbenigwr allanol fyddai oddeutu £14,000 - £20,000. Byddai hyn yn cynnwys cost hysbysebion yn y cyfryngau, profion arbenigol posibl a pharatoi a dadansoddi asesiadau. Byddai'r broses ar gyfer dewis yr arbenigwr allanol yn cael ei wneud trwy dendr ffurfiol. Roedd yr amserlenni ar gyfer y broses wedi'u cynnwys yn yr adroddiad.

Yn ystod y drafodaeth, codwyd y pwyntiau canlynol:

- Mynegodd Grŵp Plaid Cymru eu pryder ynghylch y cyflog a gynigiwyd yn yr adroddiad oherwydd y ffaith byddai yna ddyfodol o galedi a thoriadau, cynnydd yn nhreth y cyngor a 12% o weithwyr yn ennill llai na'r "cyflog byw go iawn".
- Mynegodd Aelodau'r Grŵp Ceidwadol eu pryder nad oedd y cyflog a argymhellwyd yn yr adroddiad yn ddigon i ddenu ymgeisydd o'r safon sydd ei angen i arwain y Cyngor drwy'r blynnyddoedd anodd sydd i ddod.
- Nodwyd mai'r ymgeisydd gorau ar gyfer y swydd gyda'r sgiliau i gadw Sir Ddinbych yn Awdurdod Lleol sy'n perfformio'n uchel oedd y flaenoriaeth ac os oedd y penodedig yn siarad Cymraeg byddai'n fonws, ond roedd y Cyngor wedi ffynnu yn ystod y 10 mlynedd diwethaf gyda Phrif Weithredwr di-Gymraeg a oedd wedi sicrhau bod buddsoddiad wedi bod yn yr iaith Gymraeg.

Cynigiodd y Cyngorydd Mabon ap Gwynfor ddiwygiad i'r argymhelliad o gyflog cychwynnol o £117k gyda chynnydd i £119k a £121k, eiliwyd hyn gan y Cyngorydd Emrys Wynne.

Cadarnhawyd pe byddai'r bleidlais o blaid y gwelliant, byddai angen ailgyflwyno'r cyflog arfaethedig i Banel Cydnabyddiaeth Annibynnol Cymru i'w gymeradwyo a fyddai'n oedi'r broses ymgeisio a phenodi Prif Weithredwr newydd.

Yn y fan hon, gofynnodd y Cynghorydd Emrys Wynne am Bleidlais wedi'i Chofnodi, a gefnogwyd gan 8 aelod o Grŵp Plaid Cymru.

Cynhaliwyd pleidlais wedi'i chofnodi fel a ganlyn:

O blaid dechrau ar gyflog penodol o £117k gyda chynnydd cynyddol i £119k a £121k:

Y Cynghorwyr Mabon ap Gwynfor, Meirick Lloyd Davies, Huw Jones, Paul Penlington, Arwel Roberts, Glen Swingler, Rhys Thomas ac Emrys Wynne.

Pleidleisiodd cyfanswm o 8 Aelod o blaid cyflog cychwynol o £117k.

Yn erbyn:

Y Cynghorwyr Joan Butterfield, Ellie Chard, Ann Davies Gareth Lloyd Davies, Hugh Evans, Bobby Feeley, Tony Flynn, Rachel Flynn, Huw Hilditch-Roberts, Hugh Irving, Alan James, Tina Jones, Pat Jones, Richard Mainon, Christine Marston, Barry Mellor, Bob Murray, Anton Sampson, Peter Scott, Tony Thomas, Julian Thompson-Hill, Graham Timms, Joe Welch, Huw Williams a Mark Young.

Pleidleisiodd cyfanswm y 25 Aelod yn erbyn y cyflog cychwynol o £117k.

Ymatal – 0

Felly, cafodd y gwelliant a gyflwynwyd gan y Cynghorydd Mabon ap Gwynfor i'r Prif Weithredwr ddechrau ar gyflog o £117k ei wrthod.

Cadarnhaodd y Pennaeth Gwasanaethau Cyfreithiol, Adnoddau Dynol a Democrataidd y byddai'r bleidlais yn digwydd ar gyfer yr argymhellion yn yr adroddiad.

Ar y pwynt hwn, gofynnodd y Cynghorydd Meirick Lloyd Davies am bleidlais ar wahân unigol ar gyfer pob argymhelliad.

PLEIDLAIS:

3.1 – Bod y Cyngor yn cytuno i recriwtio Prif Weithredwr newydd
O blaid – 31

Ymatal – - 0

Yn erbyn – 2

3.2 – bod y Cyngor yn cytuno â'r pecyn cydnabyddiaeth arfaethedig

O blaid – 25

Ymatal – 0

Yn erbyn – 8

3.3 – bod y Cyngor yn cytuno â'r pecyn recriwtio

O blaid – 26

Ymatal – 1

Yn erbyn – 5

3.4 – bod y Cyngor yn cytuno â'r broses recriwtio

O blaid – 29

Ymatal – 0
Yn erbyn – 4

Ar y pwynt hwn, mynegodd y Cynghorydd Graham Timms ei anfodlonrwydd mai dim ond 33 o aelodau oedd yn bresennol i gymryd rhan yn y bleidlais ar gyfer Pecyn Recriwtio'r Prif Weithredwr a oedd mor bwysig i'r Sir.

PENDERFYNWYD

- 3.1 Bod y Cyngor yn cytuno i recriwtio Prif Weithredwr newydd
- 3.2 Bod y Cyngor yn cytuno ar y pecyn cydnabyddiaeth arfaethedig
- 3.3 Bod y Cyngor yn cytuno ar y pecyn recriwtio
- 3.4 Bod y Cyngor yn cytuno ar y broses recriwtio.

9 RHAGLEN GWAITH I'R DYFODOL Y CYNGOR SIR

Cyflwynodd y Pennaeth Gwasanaethau Cyfreithiol, Adnoddau Dynol a Democraataidd Raglen Gwaith i'r Dyfodol y Cyngor i'r Cyngor (a ddosbarthwyd yn flaenorol).

PENDERFYNWYD cymeradwyo a nodi Rhaglen Gwaith i'r Dyfodol y Cyngor.

Daeth y cyfarfod i ben am 2.10 p.m.